

ხელშეკრულება
სახელმწიფო შესყიდვების შესახებ №24/21
(CPV 50700000; 50710000)
(სახელმწიფო შესყიდვების შესახებ ელექტრონული ტენდერი NAT230025469)

ქ. თბილისი,

იანვარი 2024 წ.

ხელშეკრულების მხარეები

ერთი მხრივ, ა(ა)იპ „მუნიციპალური სერვისების განვითარების სააგენტო“ (ს/ნ 405026877) (შემდგომში „შემსყიდველი“), წარმოდგენილი მისი უფროსის გიორგი მარგებაძის სახით და მეორე მხრივ, შპს „ორიენტ ლოჯიკ“ (ს/ნ 202052054) (შემდგომში – მიმწოდებელი), წარმოდგენილი მისი დირექტორის, ვაჟა ნასყიდაშვილის, სახით, ცალ-ცალკე „მხარე“, ორივე ერთად წოდებული როგორც „მხარეები“, ვმოქმედებთ რა „სახელმწიფო შესყიდვების შესახებ“ საქართველოს კანონის 10¹ მუხლის პირველი პუნქტის და „ელექტრონული ტენდერის ჩატარების წესის დამტკიცების შესახებ“ სახელმწიფო სამსახურის შესყიდვების სააგენტოს თავმჯდომარის 2017 წლის 14 ივნისის N12 ბრძანების შესაბამისად, ვდებთ წინამდებარე ხელშეკრულებას.

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი/ორგანიზაცია, რომელიც ახორციელებს მომსახურების გაწევას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – სატენდერო დოკუმენტაციით განსაზღვრული ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1. ქ. თბილისის მუნიციპალიტეტის მერიის შენობაში განთავსებულ სასერვეროში არსებული უწყვეტი კვების წყაროს UPS Riello Multi Guard GMT 60 ტექნიკური მომსახურების შესყიდვა.
- 2.2 ხელშეკრულების საგნის ტექნიკური დავალება განსაზღვრულია ხელშეკრულების დანართი N1-ით (CPV 50700000; 50710000).

3. ხელშეკრულების ღირებულება

3.1 ხელშეკრულების ღირებულება შეადგენს: **10968.00 (დანართი N2) ლარს.**

3.2 ხელშეკრულების ღირებულება შეიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისთვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.4 საქართველოს სამოქალაქო კოდექსის 398-ე მუხლით გათვალისწინებული პირობების დადგენის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. მხარეთა ვალდებულებები

4.1 მიმწოდებელი ვალდებულია:

ა) უზრუნველყოს ხელშეკრულების მე-2 მუხლით გათვალისწინებული მომსახურების გაწევა ხელშეკრულების გაფორმებიდან 2024 წლის 31 დეკემბრის ჩათვლით.

ბ) მომსახურება განახორციელოს მისამართზე - ქ. თბილისი, შარტავას ქ#7

4.2 შემსყიდველი ვალდებულია:

ა) უზრუნველყოს ხელშეკრულების შესრულების კონტროლი;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი

მომსახურების ხარისხი უნდა შეესაბამებოდეს წინამდებარე ხელშეკრულებით გათვალისწინებულ პირობებს

6. ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ხელშეკრულების მოქმედების მთელ პერიოდში.

6.2 ხელშეკრულების პირობების შესრულების კონტროლს განახორციელებენ შემსყიდველის მიერ განსაზღვრული პირ(ებ)ი ან/და პირთა ჯგუფი ან/და კონკრეტულ შემთხვევებში მხარეთა შეთანხმებით შესაძლებელია მოწვეულ იქნეს სპეციალური ცოდნის მქონე სპეციალისტი (ექსპერტი).

6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება უხარისხო საქონელი, მიმწოდებელი ვალდებულია კონტროლის შედეგად გამოვლენილი წუნდებული საქონლის შეცვლა განახორციელოს საკუთარი ხარჯებით, შემსყიდველის მიერ დაწესებულ გონივრულ ვადაში (არაუმეტეს 5 დღე).

7. მიღება-ჩაბარების წესი

7.1 მომსახურების მიღება წარმოებს მიღება-ჩაბარების აქტის საფუძველზე.

7.2 მიღება-ჩაბარების აქტი ფორმდება წერილობით ან/და ელექტრონული ფორმით, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მოთხოვნათა შესაბამისად, მხარეთა უფლებამოსილი წარმომადგენლების ხელისმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

8. ანგარიშსწორების ფორმა და ვადები

8.1 გაწეული მომსახურების ღირებულების ანაზღაურება განხორციელდება მიღება-ჩაბარების აქტის გაფორმების და საგადასახადო ანგარიშ-ფაქტურის (იმ შემთხვევაში თუ მიმწოდებელი დღგ-ს გადამხდელია) წარმოდგენის თარიღიდან არაუგვიანეს 10 სამუშაო დღის ვადაში.

8.2 ანგარიშსწორების ვალუტა - ლარი.

8.3 ანგარიშსწორების ფორმა - უნაღდო.

8.4 დაფინანსების წყარო - ადგილობრივი თვითმმართველი ერთეულის ბიუჯეტი.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1 მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის, არაჯეროვანი შესრულების ან/და დაგვიანებით შესრულებისათვის ხელშეკრულებით და საქართველოს კანონმდებლობით დადგენილი წესით.

10.2 ხელშეკრულებით გათვალისწინებული ვალდებულების/ვალდებულებების დარღვევის შემთხვევაში მიმწოდებელი იღებს გაფრთხილების წერილს, რომელშიც განესაზღვრება ვალდებულების შესრულების დამატებითი ვადა და პირგასამტეხლოს ოდენობა. დამატებით ვადაში ვალდებულების შეუსრულებლობის შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება. შემსყიდველის მხრიდან ხელშეკრულების ცალმხრივად შეწყვეტა შესაძლებელია გაფრთხილებისა და დამატებითი ვადის განსაზღვრის გარეშე, კანონით დადგენილ შემთხვევებში.

10.3 წინამდებარე ხელშეკრულების პირობების შეუსრულებლობის შემთხვევაში შემსყიდველი უფლებამოსილია მიმწოდებელს დააკისროს პირგასამტეხლო ხელშეკრულების ღირებულების 10%-ის ოდენობით.

10.4 წინამდებარე ხელშეკრულების პირობების ნაწილობრივ შეუსრულებლობის შემთხვევაში შემსყიდველი უფლებამოსილია მიმწოდებელს დააკისროს პირგასამტეხლო შესასრულებელი (დარჩენილი) ვალდებულების შესაბამისი ღირებულების 5%-ის ოდენობით.

10.5 წინამდებარე ხელშეკრულების პირობების არაჯეროვნად შესრულების შემთხვევაში (მათ შორის, ხელშეკრულების მე-4 მუხლის 4.1 პუნქტის „ა“ ქვეპუნქტით გათვალისწინებული საქონლის მიწოდების ან/და ხელშეკრულების მე-6 მუხლის 6.3 პუნქტით განსაზღვრული ვადების გადაცილების შემთხვევაში) შემსყიდველი უფლებამოსილია მიმწოდებელს დააკისროს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02 %-ის ოდენობით.

10.6 წინამდებარე ხელშეკრულების მე-8 მუხლის 8.1 პუნქტით გათვალისწინებული ვალდებულების შეუსრულებლობის შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით, გარდა იმ შემთხვევისა თუ ეს ვადაგადაცილება გამოწვეულია მიმწოდებლის ბრალეულობით.

10.7 საჯარიმო სანქციით დაკისრებული თანხის გადახდა უნდა განხორციელდეს სანქციის დაკისრების შესახებ შეტყობინების გაცნობიდან არაუგვიანეს 10 (ათი) კალენდარული დღის ვადაში, წინააღმდეგ შემთხვევაში მისი გაქვითვა განხორციელდება გადასახდელი თანხიდან.

10.8 პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა. ხელშეკრულების შეწყვეტა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3. შემსყიდველი უფლებამოსილია ცალმხრივად შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

11.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

11.5 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

12. ფორს-მაჟორი

12.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

12.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა

გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებინა ფორს-მაჟორული გარემოებების ზეგავლენისაგან.

13. ხელშეკრულების მოქმედების ვადა

წინამდებარე ხელშეკრულება ძალაში შედის ხელმოწერის დღიდან და მოქმედებს 2025 წლის 31 იანვრის ჩათვლით.

14. დავები და მათი გადაწყვეტის წესი

14.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

14.2 თუ ასეთი მოლაპარაკებების დაწყებიდან 5 (ხუთი) დღის განმავლობაში მხარეები ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონმდებლობით დადგენილი წესით.

15. სხვა პირობები

15.1 წინამდებარე ხელშეკრულება შედგენილი და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ საქართველოს კანონის შესაბამისად“.

15.2 მხარეები ერთმანეთთან კომუნიკაციისთვის გამოიყენებენ შემდეგ ელექტრონულ ფოსტას: შემსყიდველი I.datashvili@msda.ge; მიმწოდებელი tenders@ol.ge აღნიშნული ელ. ფოსტებიდან განხორციელებული მიმოწერა წარმოადგენს ოფიციალურ დოკუმენტაციას.

16. მხარეთა რეკვიზიტები

შემსყიდველი:

ა(ა)იპ „მუნიციპალური სერვისების
განვითარების სააგენტო“
ს/ნ 405026877
მისამართი: ქ.თბილისი, მიცკევიჩის 29-29ა
სახელმწიფო ხაზინა: TRESGE22
სახაზინო კოდი: 070203

მიმწოდებელი:

შპს „ორიენტ ლოჯიკ“
ს/ნ 202052054
მისამართი: ქ. თბილისი, ვასო გომიაშვილის N71
ბანკი: სს „ბაზის ბანკი“
ბანკის კოდი: CBASGE22
ანგარიშის ნომერი: GE96BS0000000005936872

შემსყიდველი

მიმწოდებელი

მუდმივი კვების წყაროს მომსახურება რაოდენობა 2 (ორი) ცალი;
 არსებული UPS Riello Multi Guard GMT 60-ის ტექ-მომსახურება;

1. UPS-(ებ)ის ვიზუალური დათვალიერება (გარე და შიდა მდგომარეობის შემოწმება):

ა) ვენტილატორების მუშაობის შემოწმება.

ბ) პლათების, ბლოკების, კვანძების და სხვა კომპონენტების შემოწმება.

2. მტვრისგან გასუფთავება ოთხ თვეში ერთხელ და წარმოქმნილი აუცილებლობიდან გამომდინარე (გასუფთავების პროცედურის ორგანიზება-განხორციელება).

3. ცდომილებების ჟურნალის ჩანაწერების შემოწმება.

4. პროგრამული უზრუნველყოფის ვერსიის შემოწმება და, საჭიროების შემთხვევაში, განახლება (დაგეგმვა-განხორციელება);

5. UPS-(ებ)ის რეჟიმების შემოწმება (არსებობს დატვირთვაზე კვების შეწყვეტის რისკი):

ა) აკუმულატორებზე მუშაობის რეჟიმი

ბ) ელექტრონული ბაიპასის რეჟიმში მუშაობის რეჟიმი

გ) სტატიკური ბაიპასის რეჟიმი (როგორც წესი, არ მოწმდება პარალელურად ჩართულ ერთეულებზე)

დ) ნორმალურ რეჟიმი

ე) UPS-(ებ)ის ქსელის დაკარგვაზე რეაქციის საკონტროლო შემოწმება.

6. UPS-(ებ)ის შემავალი და გამავალი პარამეტრების შემოწმება:

ა) შემავალი

• ძაბვა

• ძაბვის სიხშირე

• დენი ძალა

ბ) გამომავალი

• ძაბვა

• დენის ძალა

• სიხშირე

7. აკუმულატორების წესიერობის შემოწმება:

ა) ვიზუალური დათვალიერებით

ბ) აკუმულატორებზე (თითო ან სამ-სამზე) ძაბვის შემოწმებით (სტელაჟებზე განთავსებული აკუმულატორების შემთხვევაში)

გ) ავტონომიური მუშაობის დროის შეფასებით მომხმარებლის ნომინალურ დატვირთვაზე განმუხტვით (რომლის განმავლობაშიც ვლინდება აკუმულატორების რეალური დარჩენილი ტევადობა).

8. ტექნიკური ანგარიშის შედგენა დამკვეთისთვის.

ზემოთ აღნიშნული ტექნიკური შემოწმებები გარდა მე-2 პუნქტით განსაზღვრული მომსახურებისა უნდა განხორციელდეს ყოველი თვის 5 რიცხვში, არასამუშაო დღის შემთხვევაში - მომდევნო სამუშაო დღეს.

წარმოქმნილი აუცილებლობიდან გამომდინარე მომწოდებელი ვალდებულია გამოცხადდეს დაუყოვნებლივ, შეტყობინებიდან არაუგვიანეს 1 საათში.

დასახელება	თვეების რაოდენობა	ერთი თვის ღირებულება (ლარი)	ჯამური ღირებულება (ლარი)
UPS Riello Multi Guard GMT 60-ის ტექ-მომსახურება	12	914	10968